

Inatsisartunut Naalackersuisunullu ilaasortat aningaasarsiaqartitaanerat il.il. pillugit Inatsisartut inatsisaata allanngortinneqarneranik Inatsisartut inatsisaat (Soraarnerussutisiatut naafferartumik tunniussassatut imaluunniit inuuneq naallugu soraarnerussutisiatut ilusilerlugit soraarnerussutisiaqartitsinermik aaqqissuussineq kiisalu ukioqqortuneq pissutigalugu soraarnerussutisiassanut akiliutinik tunniussinissamut periarfissaq. Inatsisartunut ilaasortanut sinniisussat soraarnerussutisianut akiliutaat. Inatsisartunut ilaasortat ineqarnerat.)

(Inatsisartut Siulittaasoqarfiat, ilaasortat Jonathan Motzfeldt (Siumut), Agathe Fontain (Inuit Ataqatigiit), Augusta Salling (Atassut), Per Berthelsen (Demokraatit) aamma Ruth Heilmann (Siumut).)

§ 1

Inatsisartunut Naalackersuisunullu ilaasortat aningaasarsiaqartitaanerat il.il. pillugit Inatsisartut inatsisaanni nr. 22, 18. december 2003-meersumi makkua allannguutigineqassapput:

1. § 1, imm. 1 aamma 3-mi, "AK" imatut allanngortinneqassaaq: "AS-G".

2. § 1, imm. 4, oqaaseqatigiit siulliit, imatut oqaasertalerneqassaaq:

"Imm. 4. Inatsisartunut ilaasortat aalajangersimasumik Nuummi najugaqalerumasut, Inatsisartut aalajangersagaattut annertussusilimmik akiliummik akilerneqartussamik, ineqartinneqassapput."

3. § 1, imm. 4, oqaaseqatigiit pingajuanni "(AK)" peerneqassaaq.

4. § 1, imm. 6, imatut oqaasertalerneqassaaq:

"Imm. 6. Piffissami ilaasortaajunnaarnersiaqarfimmi imm. 4-mi akiliutit taaneqartumik akiliuteqarluni ineqartitsisoqassaaq. Piffissami ilaasortaajunnaarnersiaqarnerup atorunnaarfiani kingusinnerpaamik qaammatip naanerani taamatut inigisaq qimanneqassaaq." Taamaattorli sinniisussat, Inatsisartunut ilaasortamut taartaasut, ilaasortaajunnaarnersiutit sivikinnerpaamik qaammatinut pingasunut tunniunneqarsimasutut isigalugit tamatigut pineqassapput."

5. § 17, imm. 2, imatut oqaasertalerneqassaaq:

"Imm. 2. Soraarnerussutisiatut naafferartumik tunniussassatut imaluunniit inuuneq naallugu soraarnerussutisiatut ilusilerlugit soraarnerussutisiaqartitsinermik aqqissuussinermik namminersortumik Kalaallit Nunaanniittumik pilersitsisoqassaaq. Inatsisartunulli Naalakkersuisunulluunniit ilaasortat atuuffimminnut ullormi ivertitaanerminni 50-inik ukiullit soraarnerussutisiassanut akiliutinik isertitatut nalinginnaasumik akileraarusigassanik imm. 3-mi taaneqartunik tunineqarumallutik toqqaasinnaapput."

6. § 17-imi immikkoortoq nutaaq ilanngunneqassaaq:

"Imm. 4. Sinniisussat, Inatsisartunut ilaasortamut taartaasut, imm. 2-3-mi pineqartutut soraarnerussutisianik aqqissuussinerni ilaatinneqanngillat. Imm. 3-mi taaneqartutut soraarnerussutisianut akiliut taarsiullugu isertitatut nalinginnaasumik akileraarusigassatut tunniunneqassaaq."

§ 2

Inatsisartut inatsisaat ulloq 1. april 2006 atuutilissaaq. Inatsisartunut Naalakkersuisunulluunniit ilaasortat inatsisip atuutilerfia sioqqullugu atuuffimminnut ivertinneqartut ulloq 1. januar 2004 kingusinnerusukkulluunniit 50-nik ukioqalersimagunik § 17, imm. 2-mi taa-neqartutut tunniussinissamut periarfissamik atuiumallutik toqqaasinnaapput.

Namminersornerullutik Oqartussat, ulloq 27. marts 2006

Hans Enoksen

/

Kaj Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut